

Ebe onuzi-eva ni iPo^{lu} ọ keke ghi ITimoti

¹ Mhemhe iPo^{lu} ni mhi khi aghiusomhi na kee oyi iJesu iKirisiti abi o ghole Eshinegba shi. Mhemhe mhi keke ebe ona. Mhemhe ni o ghie mhi ka ri agbo ni o la iJesu iKirisiti ni Eshinegba o ro shobo na awa tse abo guele.

² ITimoti mhi keke ebe ona ghi. Okhale ali ilelemhi ali opfomhe eyi Eshinegba ali eyi iJesu iKirisiti Onomhue oyawa e ka khi eye.* ³ Mhi tse Eshinegba ni mhi ri udu no pfuase e ga abi eni e bia mhe e li ga. Eri mhi a tse Eshinegba uwegbe ini mhi la iromhi isoso sato e egbe, ele-iyose ali ele oquota. ⁴ Mhi aa sato evie oye, mhi aa nono ni mhi me e, eghenge agho ni oghela oyemhe o vo. ⁵ Mhi aa sato egbegbi irudunga ni u mhue. Irudunga onabi inyinye o mhue ikhi iLoisi ali ni inye iYunisi o li mhue. Mhi mie shi o khi oni irudunga o li le egbe.† ⁶ Irari ona, mhia ye e ude u guise isomhopfa ni Eshinegba o ro ne le ke gbe akanya egbegbo, eni u mie abi mhi ro ri abo nge ukhomhi. ⁷ Irari khi Eshinegba o ri ayemhe ulishi na awa, ama ayemhe ekpabo ali inono ali igue ri egbe kia.

⁸ Itobo ona, khi ze ni omama o mue ni u ro pfi otsela na Onomhue oyawa, wekhi omama mhe ni mhi khi oghumha itobo iKirisiti. Ama kuma mhe o shi osoli imeme shi iri usomhi onete tsabo, rote ekpabo oyi Eshinegba, ⁹ ni o tsumhi awa, o lu awa

* **1:2** Li ze Ika 16.1 † **1:5** Li ze Ika 16.1

ni awa nu ọli la agbọ ipfuase ni o khia khi ọa khi irari emhikhoghuo ni awa rieḷe, ama abi ọ li gba li ali irari okhale oyọli. Eri a li oni okhale ona na awa rọte obọ oyi iJesu iKirisiti neni eghẹghẹ o gba ekẹ le. ¹⁰ Ama mena, a she rọli khasẹ awa rọte ibhale oyi Omiepfuese, iJesu iKirisiti ni ọ pfueche eghuli-a, ali ni ọ ri agbọ bhale, ni ọ rọte usomhi onete ri agbọ ni ọa ya ghu khasẹ gboo. ¹¹ Oni usomhi onete ona Eshinegba ọ zẹ mhe shi mhi ke guele abi aghiusomhi na keẹ oyi iJesu, ali oni ọọ sese.‡
¹² Itobọ ona o zẹ ni mhi rọ mẹ osue abi mhi li ena. Abi o tsekuli, omama ọa mu mhe irari khi mhi lese oni mhi miesuọ ali khi mhi mie shi ọ khi ọ dobe ya ri ẹloe khu emini mhi rọnga li obọ shi ogbe ni eḷẹghọ.

¹³ Emini u rọte unu oyemhe suọ, mu we mhọli ni e khi ete-awe ni u rọ ya ke sese osese ni o dala. Gbo sato ke la elemhi irudunga ali inono ni u mhue elemhi iJesu iKirisiti. ¹⁴ Ri ẹloe khu osese onete ni a rọnga e obọ, rọte ikpaghiobọ oyi Ayemhe-no-pfuase ni ọ nu awa la ini ọgbọ khi dobe pfi ọli ukhomhi kpọke.

¹⁵ U lese khi egbokpa ni e la ekẹ Esha e she mẹ mhe na, li shi iFigelusi ali Emogẹnesi.

¹⁶ Eshinegba ọ ka mhue ilelemhi na unuekpe oyi Onesiforosi, irari khi eri ọ ri egbe e mu mhe eghẹghẹ kpa, ọa na omama iwẹghẹ ni a sọ mhe.

¹⁷ Ni mhi rọ ma ọ, abi ọ rọ bhale iRomu, ọ nono mhe ya ramhi ni ọ rọ mẹ mhe. ¹⁸ Eshinegba ọ ka zẹ ni ọ mẹ ilelemhi oyi Eshinegba ogbeḷe eḷẹghọ. U ga lese gboo abi ọ li kpaghie mhe obọ abi mhi rọ la Efesosi.

‡ 1:11 Li zẹ 1 iTimo 2.7

2

Abi a liẹ khi Okhọli-okhue ọyi iJesu iKirisiti

¹ ITimoti omimhe, ze ni u toto shi okhale ni o roṭe obọ oyi iJesu iKirisiti bhale. ² Emini u suọ khi mhi ngme ukpeloe oṭsele ebubu, rewe nga eḡbọ ni a doḡe ri egbe e nga obọ, ni e ya doḡe seṣe eḡboṣe. ³ Nu mhe ri egbe mie osoli abi okhọli-okhue onete ọyi iJesu iKirisiti. ⁴ Oḡbọ ni oḡ gbe akanya okhọli-okhue, ọa ya ku abọ lo emhi agbọ, irari khi ọga ọyọli oḡ ke dua ni lọli ri egbe ke mu. ⁵ Ighọ o li khi, ini oḡbọ o kuma eni e ya na, aa ya rughu ọli arula oghie khi o lo owa, ini ọa li deba ushi ni o la unamhi. ⁶ O ti ni oghiale ni o toto obọ gbe akanya, o kpe khi onodode ni o le emhi ekomhi ni o gua. ⁷ Sa shi emini mhi ngme ena irari khi Onomhue o ya re leṣe udi emhi ena nya.

⁸ Sato iJesu egbe ni a roṭe eghuli guise le, ni o khi unuekpe ọyi iDefidi. Onana o khi usomhi onete ni mhi ro a tse abọ, ⁹ ni o re mhe a me osoli ramhi ni a ro ri igha shi mhe abọ abi oḡbọ usueso-akhue. Ama, ungmehi ọyi Eshineḡba ọa ze e so igha. ¹⁰ Irarigho, mhi ro ri egbe mie emhikpa irari eḡbọ ni Eshineḡba o ze ni wewe e li mie imiepfuese ni o te obọ oyi iJesu iKirisiti bhale, li shi ufumhi na agbọagbọ.

¹¹ Egbegbi ungmehi ni a ri egbe a da na.

Ini awa nu ọli ghua,
awa gbo li ya nu ọli la agbọ.

¹² Ini awa ri egbe mie,
awa ya nu ọli ke mheṣe.

Ini awa kie ọli,

Ọ ya kie awa.*

¹³ Ini awa a ya gbe akanya
te ode igesikia,
Ọna igesikia ọ kiele khi.
Irari khi ọa ya kie egbọli.

Ọgbakanya ni ọ ghọle Eshinẹgba

¹⁴ Ke yele egbo eyẹ enana le. U gbo tse agua ye we ukpeloe Eshinẹgba, e khi wola shi ingmemhi, ni ọa mholi eleli, eri o lesẹ ẹ yese eni e suọ ọli-a. ¹⁵ Roshẹka ni u ri egbee na Eshinẹgba abi, ọgbakanya ni ọ mie ni omama ọa ya mu, ni ọ guẹ ẹ sẹsẹ ungmehi igesikia. ¹⁶ Nuata shi ingme afue ni ẹa mholi eleli, irari khi egbo ni ẹ sọ egbe ingme eghoghọ, eri ẹ ri egbo nuata shi Eshinẹgba ọ. ¹⁷ Osese oyewe, o ya ke ge abi ugboko. Egbo eghoghọ khi Ameneusi ali iFiletusi. ¹⁸ E she zobe ode igesikia obọ. E khi irote eghuli gualo o she bhale ya dose, e yese irudunga oyi egbo eghuo-a. ¹⁹ Abi bi o tseku li, irogbekẹ ni Eshinẹgba ọ ro gbe eri o migha gbaa, ni a keke ena ro shi ọli ọlele khi: “Onomhue ọ lesẹ egbo ni e khi eyoli.” Ali, “Onini ọ da guele khi ọyi Onomhue ọli khi ne, ọ mema ya ti egbe okholo iriele le.”†

²⁰ Ukpokpomhi owa ọa lesẹ mhue itasa igolu ali eyi elomho tse, ama o li mholi eyi ẹera ali eme, eghuo, e khi eni e mu eloe, eghuo, e khi eni ẹa mu eloe. ²¹ Ini ogbo khuese egbọli-a pfuase lase emhi ebe le, a ya roli riele egbegbi emhi. A roli pfuase, ọga oyoli ọ roli li emhi, ali khi ọ ya riele ọli shi oni a ro ke gbe ikanya enete.

* **2:12** Li ze iMat 10.33; iLuk 12.9 † **2:19** Li ze iNọba 16.5

22 Mę ọghuẹmhe ebe oyi ozele na, ke na khu iguẹngeli ali irudunga, ali inono ali opfomhe. Kuma egbo ni e ri udu ni o pfuase ẹ lu eva oyi Onomhue ọ. 23 Khi mhọli emini u ri ekhako oyeghe ali umhalesẹ li, irari khi u lesẹ khi uwola ẹ pfi. 24 Oni ọọ ga Eshinegba ọa gbudu wola. Ọ mema khi oni ọọ riẹle isomhelemhi deba ogbokpa, ọ khi osese onete ni ọ ri abo ọ mudu. 25 O ri ofie sese eni ẹ nu ọli khako. Ọ mhọli ọli shi udu khi Eshinegba ọ ya khueghie ode-a na we ro mu pfi ni o ya rewe bhale ya lesẹ igesikia, 26 ali khi egbhali oyewe o ya tiemhile, e na pfue igha ni okphaghie ọ kpe khe we. Oni ọ she mu we ighumha e ke riẹle ọghuẹmhe oyọli.

3

Angeli oyi egbo ikpukhokho agbo

1 Ke bino ọli khi egheghe omunu o ya la ọ ogbele ni e kpe ukhokho. 2 Egbo e ya ke nono ingme oyi egbe wewe-ghuo tse, e mhọli ọghuẹmhe ebe na ukpago, ẹẹ tonobodu, ẹẹ titiegbe, ẹẹ weghie egbo, ẹẹ riẹle umha-sueso deba eni e bia we, ẹa mhọli itsuwegbe wekhi itsobode, e khi egbo ni ẹa mu ekpe na emhi Eshinegba. 3 Ẹa mhue isomhelemhi, ẹa mhue igbekua na ogbo, e ri unu ẹ pfueche egbo-a, ẹa mhọli igue-regbekia, wekhi ilelemhi, ẹa nono eminete. 4 E ri egbewe ẹ de, ẹẹ li umumume, ẹẹ ti ipfuabogana, e mhọli ọghuẹmhe na agbo ilili, ocho ni e kharo mhọli inono na Eshinegba. 5 E riẹle abine khi eri e miesuo, ama e kie ekpabo ni o la imiesuo. Khi mhọli emini u ri egbo eghoghọ li.

6 Egbo eghoghọ e bena lo owa deba ikpotso ni ẹa mhue egbhali, eni usamhi oyi olamhe eyewe

enediọ ẹ nase, ali ni oghuẹmhe khi oghuẹmhe oọ gua. ⁷ Eri ikpotso eghoghọ ẹẹ nono ni e wena, ama ẹa dobe ẹ lese igesikia. ⁸ Ezeze abi iJanesi ali iJabiresi e mu okhue vule shi iMosisi o, igho eni egbo ena e li mu okhue vule shi igesikia o. Egbo ni o khia khi usamhi oyewe o a ke a gbe akanya ni e she de ode irudunga-a.* ⁹ Ama ẹa ya kia nuata, itobo khi oyeghe oyewe o ya ri egbe khasẹ ogbokpa, abi o ke li eni emose aava egho egbe.

Omhesẹ ni iPolu o ro na iTimoti

¹⁰ Ama u she lese osese oyemhe nya ali abi mhi lie ngeli, U lese emini mhi la agbo shi, u lese irudunga, ali irabomudu ali inono ali iregbemie eyemhe. ¹¹ U lese okhọli ni a mu vule shi mhe o, ali osoli ali emini mhi me egbe obini ẹoli Atioki, ali ẹoli iKoniomu ali ẹoli iLisitira. Okhọli oniemi a mu vule shi mhe o ni mhi ri egbe mie. Ama Onomhue o rue mhe o le nya.† ¹² Egbegbo lo khi, ogbokpa ni o da nono ni lue la agbo ipfuase oyi iJesu iKirisiti ne, a ya mu okhọli vule shi oli o. ¹³ Egbo okhọlo ni ẹ ri egbe we khi emini ẹa fute e ya ke riẹle onobe ke khi ma o, ẹẹ di egbo, a lili ẹ di we. ¹⁴ Ama ye ye oye, toto obọ emini u wena ni u she mie shi, irari khi u lese obọ oyi eni u te wena we, ¹⁵ Ali abi u te rote omofe lese Ebe-no-pfuase ni e dobe ya re khili olesingme shi irudunga ni u mhọli na iJesu iKirisiti ni u khi oni a mie pfuese. ¹⁶ Emini a keke shi Ebe-no-pfuase nya, ungmehi oyi Eshinegba lo. E ti ni a ro o sese emini e khi igesikia, ali ni a ro o tse agua ye ogbo shi iriele do-a, ali ni a ro o sheshe ogbo shi ode rote

* **3:8** Li ze Okiali 7.11 † **3:11** Li ze Ika 13.14-52; 14.1-7,8-20

umhaguẹli, ali ni a rọ ọ sẹsẹ ọgbọ iguẹ-ngeli. ¹⁷ Ni rọ a bhale ya ẹ khi a sẹsẹ Ọmọse ọyi Ẹshinẹgba egbegbọ ni ọ guẹ ke gbe ikanya enete ọdọda.

4

¹ Ukpẹloe ọyi Ẹshinẹgba ali iJesu IKirisiti, ni ọ ya gue ẹgbọ ni e laọ ali eni e ghu-a ẹzọ, ali ọni ọ bhale ya mhẹsẹ abi Oghie, mhi la ri oni omhẹsẹ onana nẹ. ² Ke tse abọ oni ungmehi, ke mu egbe ẹghẹghẹ kpa ni u rọ ke tse ọli, o khi ẹghẹghẹ ni o ti, o ke khi ẹghẹghẹ ni ọa ti, ke sheshe ẹgbọ, wa dese wẹ ali u ri udu ẹ shi wẹ ọ. U ri iregbemie ri ọfiẹ sẹsẹ wẹ. ³ Irari khi ẹghẹghẹ ọdọ bhale ni ẹgbọ ẹa ke rọ ya ri esọ shi egbegbi osesẹ. Ama ni e ba ke suọ emini ẹ ti wẹ esọ, e ya ri ochoghọ ti esesẹ gbili gasẹ egbe ni e ya ke ngme emini esọ ni ẹ riẹlẹ wẹ ẹ nono ni wẹwẹ e ke suọ. ⁴ E ya rue esọ egbegbi ungmehi le, e ri esọ shi okhẹ nẹdẹ. ⁵ Ama yeyẹ oye, u mema ya ku egbe-a abibi o riẹ li. U ri egbe mie osoli, ri abọ mu udu ini u wa a mẹ osoli. Ke gbe akanya ọyi ọni ọ ri usomhi onete a tse abọ, u ri ẹloe shi ikanya eye e gbe abi ọni ọọ ga ọyi Ẹshinẹgba.

⁶ Irari khi a she ku mhẹ abi onyọ ni a ku shi iluasobo, ali oni ẹghẹghẹ o she bhale ni mhi rọ ya ghua. ⁷ Mhi she khọli oni okhọli onete, mhi she na oni unamhi pfo, mhi mu oni irudunga mhue ya to. ⁸ Mena, a shi ri arula iguẹ-ngeli shi na mhẹ, ni Ọnọmhue ni ọ pfuasẹ ni ọ khi ọsọ-ẹzọ ọ rọ ya na mhẹ ogbe na ẹlẹghọ. Ọa khi mhẹmhẹghuo tse a ya rọli na, ama li shi ẹgbọ ni e nono inyenẹ egbe bhale oyọli.

IPọlu ọọ ghie iTimoti usomhi

⁹ Roshẹka ni u keḷe ramhi mhe egbe. ¹⁰ Irari khi iDemasi o mholi inono na oni agbo ona. O she tsua mhe pfa je eoli iTesalonika. IKiresenisi o she je eke iGalesha, iTatosi o je eoli iDalimatia.* ¹¹ ILuku luęghuo kpe o ke lese nu mhe la akana. Rue iMaki mholi obo bhale, irari khi o mholi ikpaghiobo na mhe oni akanya.† ¹² Mhi ghie iTakikosi je eoli Efesosi.‡ ¹³ Ini u wa bhale rue awulu ugbakpi ni mhi ro shi obo oyi iKaripusi obini eoli iTiroasi ali ebe eyemhe mhue obo bhale. Tete ekuę elamhi ni a keke emhi shi.§

¹⁴ Alezada oni oo lumhi ikhuli, oo li mhe onobe gba. Onomhue o ya fali oli ota shi emini o rięe.*

¹⁵ Yeye li mu egbe e shi oli egbe, irari khi eri o lolo mu okhue vule shi usomhi ni awa ro o tse abo o.

¹⁶ Abi mhi ro kpe tode pfa egbe mhe shi eke, ogbokhoghuo oa nu mhe migha, eri wewe nya e na tsua mhe pfa. Eshinegba o khi roli mu ota so we. ¹⁷ Ama eri Eshinegba o migha kpeshe mhe, o ri ekpabo na mhe ni a bhale ya e khi, rote obo oyemhe, oni ungmehi o lolo ze guele ni egbo iJeta e suo li. Ali ni a ro tsumhi mhe obo oyi eghuli abine khi a mie ogbu unu oyi idumhi. ¹⁸ Onomhue o ya pfuese mhe okholi obe ni o vule shi mhe o, ali khi o ya rue mhe bhale iloghie oyoli tselele. Loli o mholi ufumhi ele na agboagbo ya je agboagbo. Atse.

Otse ni o kpe ukhokho

* **4:10** Li ze iKolo 4.14; iFile 24; 2 iKori 8.23; iGal 2.3; iTato 1.4

† **4:11** Li ze iKolo 4.14; iFile 24; Ika 12.12,25; 13.13; 15.37-39; iKolo

4.10 ‡ **4:12** Li ze Ika 20.4; Efi 6.21-22; iKolo 4.7-8 § **4:13** Li ze

Ika 20.6 * **4:14** Li ze 1 iTimo 1.20; Iwolo 62.12; iRom 2.6

19 Tse iPisilia ali Akuila ali omhue-apfe oyi Onesiforosi na mhe.† 20 Erasitosi o la eoli iKoriti, ali mhi ze iTirofimosi obo shi eoli iMiletusi irari khi oo ghua.‡ 21 Roshaka ni u kele ramhi ana neni orue oo pfi. Eubulusi oo tse ali iPudenisi ali iLanusi ali iKilaudia, ali eni e miesuo nya e ga tse. 22 Onomhue o nu ayemhe oyela. Okhale oyi Eshinegba o nu elala.

† **4:19** Li ze Ika 18.2; 2 iTimo 1.16-17 ‡ **4:20** Li ze Ika 19.22; iRom 16.23; Ika 20.4; 21.29

Ebe-No-Pfuase Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 21 Feb 2024 from source files
dated 29 Jan 2022

03be06b0-68fd-500b-b9a9-6bca4b63979a